

鄧州志卷之十六

古延蔣光祖振裘氏纂修

忠烈

自古忠最烈才最著而死極慘者在唐有張中丞在
明有鐵兵司二人蓋千載同符矣祿山以百萬圍
江淮而進 其坑文皇乘勝席捲銳莫可當而濟
南墊其鋒向使盡之 丞同於李郭建文移其將
九江者將兵部其功烈又局可量哉明季闖寇蹂躪
禍慘於古而死事亦 於古鄧之官士死者蓋纍
纍焉鄧固忠義之 誠所感與天地同久與

卷之十六

日月爭光豈待志氣與天地以人重是不可不紀
也志忠烈

唐張巡字巡鄧州南陽人博學曉戰陣法氣志高

遠畧細節所交必大人 與庸俗合時人巨知
也開元末擢進士第時元曉已位監察御史皆以名
稱重一時巡錄太子通事舍人出為清河令治績最
而負節義或以困阨歸者傾貲振護無吝秩滿還都
於是揚國忠方專國權勢可炙或勸一見且顯用容
曰是必為國怪祥朝宦不可為也更調真源令土多
豪猾大吏華南金樹威恣肆邑中語曰南金口明府

手巡下車以法誅之赦餘黨莫不改行遷善政簡約民甚宜之安祿山反天寶十五載正月賊首張通晤陷宋曹等州譙郡太守楊萬石降賊逼巡爲長史使西迎賊軍巡率吏哭立元皇帝祠遂起兵討賊從者千餘初靈昌太守嗣吳王祇受詔合河南兵拒祿山有單父尉賈賁者開州刺史璿之子率吏稱吳王兵擊宋州通晤走襄邑爲頓邱令盧奕所殺賁引軍進至雍邱巡與之合有衆二千是時雍邱令令狐潮舉縣附賊遂自將東敗淮陽兵虜其衆反接在廷將殺之暫出行部淮陽囚吏解縛起殺守者迎賁等入潮

不得歸巡乃屠其妻子磔城上祇聞承制拜賁監察御史潮怒賁還攻雍邱賁趨門爲衆躡死巡馳騎決戰身被創不顧士乃奉巡主軍間道表諸朝騰牋祇府祇乃舉兗以東委巡經畧潮以賊衆四萬薄城人大恐巡諭諸將曰賊知城中虛實有輕我心今出不意可驚而潰也乘之勢必折諸將曰善巡乃分千人乘城以數隊出身前驅直薄潮軍軍却明日賊攻城設百樓巡柵城上束芻灌膏以焚焉賊不敢向巡伺隙擊之積六旬大小數百戰士帶甲食裹瘡鬪潮遂敗走追之幾獲潮怒復率衆來然素善巡至城下情

語巡曰本朝危蹙兵不能出關天下事去矣足下以
羸兵守危堞忠無所立盍相從以苟富貴乎巡曰古
者父死於君義不報子乃銜妻孥怨假力於賊以相
圖吾見君頭于通衢爲百世笑柰何潮被然去當此
時王命不復通大將六人白巡以勢不敵且上存亾
莫知不如降六人者皆官開府特進巡陽許諾明日
堂上設天子畫像率軍士朝人人盡泣巡引六將至
責以大誼斬之士心益勸會糧乏潮餉賊鹽米數百
艘且至巡夜壁城南潮悉軍來拒巡遣勇士銜枚濱
河取鹽米千斛焚其餘而還城中矢盡巡縛藁爲人

千餘被黑衣夜縋城下潮兵爭射之久乃藁人還得
箭數十萬其後復夜縋人賊笑不設備乃以死士五
百斫潮營軍大亂焚壘幕追奔十餘里賊慙益兵圍
之薪水竭巡給潮欲引衆走請退軍二舍使我逸潮
不知其謀許之遂空城四出三十里撤屋發木而還
爲備潮怒圍復合巡徐謂潮曰君須此城歸馬三十
匹我得馬且出奔請君取城以藉口潮歸馬巡悉以
給驍將約曰賊至人取一將明日潮責巡答曰吾欲
去將士不從柰何潮怒欲戰陣未成三十騎突出擒
將十四斬百餘級收器械牛馬潮遁還陳留不復出

七月潮率賊將瞿伯玉攻城遣使者四人傳賊命招
巡巡斬以徇餘繫送祗所圍凡四月賊常數萬而
衆纔千餘每戰輒克於是河南節度使嗣虢王巨屯
彭城假巡先鋒俄而魯東平陷賊濟陰太守高承義
舉郡叛巨引兵東走臨淮賊將楊朝宗謀趨寧陵絕
巡餉路巡外失巨依拔衆保寧陵馬裁三百兵三千
至睢陽與太守許遠城父令姚閭等合乃遣將雷萬
春南霽雲等領兵戰寧陵北斬賊將二十殺萬餘人
投尸于汴水爲不流朝宗夜去有詔拜巡主客郎中
副河南節度使巡籍將士有功者請于巨巨纔授折

衝果毅巡諫曰宗社尙危圍陵孤外渠可吝賞與賞
巨不聽至德二載祿山死慶緒遣其下尹子琦將同
羅突厥奚勁兵與朝宗合凡十餘萬攻睢陽巡勵士
固守日中二十戰氣不衰遠自以材不及巡請稟軍
事而居其下巡受不辭遠專治軍糧戰具前此遠將
李滔救東平遂叛入賊大將田秀榮潛與通或以告
遠曰晨出戰以碧帽爲識視之如言盡覆其衆還輒
曰我誘之也請以精騎往易錦帽遠以告巡巡召登
城讓之斬首示賊因出薄戰子琦敗獲車馬牛羊悉
分士秋毫無入其家有詔拜巡御史中丞遠侍御史

聞吏部郎中巡欲乘勝擊陳留子琦聞復圍城巡語其下曰吾蒙上恩賊若復來正有死耳諸君雖捐軀而賞不直歎以此痛恨聞者感慨乃椎牛大饗悉軍戰賊望兵少大笑巡遠親鼓之賊潰追北數十里其五月賊刈麥乃濟師巡夜鳴鼓嚴隊若將出賊申警俄息鼓賊覘城上兵休乃弛備巡使南霽雲等開門徑抵子琦所斬將拔旗有大酋被甲引拓羯千騎麾幟乘城招巡巡陰縋勇士數十人墮中持鉤陌刀彊弩約日聞鼓聲而奮酋恃衆不爲備城上譟伏發禽之弩注矢外向救兵不能前俄而縋士復登陴賊皆

愕眙乃按甲不出巡欲射子琦莫能辨因剡蒿爲矢中者喜謂巡矢盡走白子琦乃得其狀使霽雲射一發中左目賊還七月復圍城初睢陽穀六萬斛可支一歲而巨發其半餽濮陽濟陰遠固爭不聽濟陰得糧卽叛至是食盡士日賦米一勺斲木皮鬻紙而食才千餘人皆癯劣不能發救兵不至賊知之以雲衝傅堞巡出鉤于柱之使不得進篝火焚梯賊以鉤車木馬進巡輒破碎之賊服其機不復攻穿壕立柵以守巡士多餓死存者皆瘡傷氣乏巡出愛妾曰諸君經年乏食而忠義不少衰吾恨不割肌以啖衆寧惜

一妾而坐視士饑乃殺以大饗坐者皆泣巡疆令食之遠亦殺奴僮以哺卒至羅雀掘鼠煮鎧弩以食賊將李懷忠過城下巡問君事胡幾何曰二朞巡曰君祖父官乎曰然君世受官食天子粟奈何從賊關弓與我確懷忠曰不然我昔爲將數死戰竟沒賊此殆天也巡曰自古悖逆終夷滅一日事平君父母妻子並誅何忍爲此懷忠掩涕去俄率其黨數十人降巡前後說降賊將甚多皆得其死力御史大夫賈蘭進明代巨節度屯臨淮許叔冀尙衡次彭城皆觀望莫肯救巡使霽雲如叔冀請師不應遣布數千端霽雲

嫚罵馬上請決死閻叔冀不敢應巡復遣如臨淮告急引精騎三十冒圍出賊萬衆遮之霽雲左右射皆披靡旣見進明進明曰睢陽存亾已決兵出何益霽雲曰城或未下如已亡請以死謝大夫叔冀者進明麾下也房瑄本以牽制進明亦兼御史大夫勢相埒而精兵進明懼師出且見襲又忌巡聲威恐成功初無出師意又愛霽雲壯士欲留之爲大饗樂作霽雲泣曰昨出睢陽時壯士不立食已彌月今大夫兵不出而廣設聲樂義不忍獨享雖食弗下咽今主將之命不達霽雲請置一指以示信歸報中丞也因拔佩

刀斷指一坐大驚爲坐涕卒不食去抽矢回射佛寺
浮圖矢著髑曰吾破賊還必滅賀蘭此矢所以志也
至真源李賁遺馬百匹次寧陵得城使廉坦兵三千
夜冒圍入賊覺拒之且戰且引兵多死所至才千人
方大霧巡聞戰聲曰此霧雲等聲也乃啓門驅賊牛
數百入將士相持泣賊知外援絕圍益急衆議東奔
巡遠議以雒陽江淮保障也若棄之賊乘勝鼓而南
江淮必亡且師飢衆行必不達十月癸丑賊攻城士
病不能戰巡西向拜曰孤城備竭弗能全臣生不報
陛下死爲鬼以癘賊城遂陷與遠俱執巡衆見之起

且哭巡曰安之勿佈死乃命也衆不能仰視子琦謂
巡曰聞公督戰大呼輒皆裂血面嚼齒皆碎何至是
答曰吾欲氣吞逆賊顧力屈耳子琦怒以刀抉其口
齒存者三四巡罵曰我爲君父死爾附賊乃犬彘也
安得久子琦服其節將釋之或曰彼守義者烏肯爲
我用且得衆心不可留乃以刃脅降巡不屈又降霽
雲未應巡呼曰南八男兒死爾不可爲不義屈霽雲
笑曰欲將有爲也公知我者敢不死亦不肯降乃與
姚閻雷萬春等三十六人遇害巡年四十九初子琦
議生致一人慶緒所或曰用兵拒守者巡也乃送遠

洛陽至偃師亦以不屈死巨之志臨淮巡有姊嫁陸氏遮王勸勿行不納賜百緡弗受爲巡補縫行間軍中號陸家姑先巡被害巡長七尺須髯每怒盡張讀書不過三復終身不忘爲文章不立橐守睢陽士卒居人一覓問姓名其後無不識更潮及子琦大小四百戰斬將三百卒十餘萬其用兵未嘗依古法勒大將教戰各出其意或問之答曰古者人情敦樸故軍有左右前後大將居中三軍望之以齊進退今胡人務馳突雲合鳥散變態百出故吾止使兵識將意將識士情上下相習人自爲戰爾其械甲取之於敵未

嘗自修每戰不親臨行陣有退者巡已立其所謂曰我不去此爲我決戰士感其誠皆一當百待人無所疑賞罰信與衆共甘苦寒暑雖屢養必整衣見之下爭致死力故能以少擊衆未嘗敗被圍久初殺馬食旣盡而及婦人老弱凡食三萬口人知將死而莫有畔者城破遺民止四百而已始肅宗詔中書侍郎張鎬代進明節度河西率浙東李希言浙西司空襲禮淮南高適青州鄧景山四節度掎角救睢陽巡亡三日而鎬至十日而廣平王收東京鎬命中書舍人蕭昕誅其行時議者或謂巡始守睢陽衆六萬旣糧盡

不持滿按隊出再生之路與夫食人寧若全人於是
張澹李紆董南史張建封樊晃朱巨川李翰咸謂巡
蔽遮江淮沮賊勢天下不亡其功也翰等皆有名士
由是天下無異言天子下詔贈巡揚州大都督遠荆
州大都督霽雲開府儀同三司再贈揚州大都督並
寵其子孫睢陽雍邱賜徭稅三年巡子亞夫拜金吾
大將軍遠子攻婺州司馬皆立廟睢陽歲時致祭德
宗差次至德以來將相功效尤著者以顏杲卿袁履
謙盧弈及巡遠霽雲爲上又贈姚閻潞州大都督官
一子貞元中復官巡子去疾遠子峴贈巡妻申國夫

鄧州志

卷之十六

忠烈

九

人賜帛百自是訖僖宗求忠臣後無不及三人者大
中時圖巡遠霽雲像于凌煙閣睢陽至今祠享號雙

廟云 唐書忠義傳

明鐵鉉鄧人洪武中由國子生授禮科給事中調都督
府斷事嘗讞疑獄立白太祖喜字之曰鼎石建文初
爲山東參政李景隆之北伐也鉉督餉無乏景隆兵
敗白溝河單騎走德州城戍皆望風潰鉉與參軍高
巍感奮涕泣自臨邑趨濟南偕盛庸宋參軍等誓以
死守燕兵攻德州景隆走依鉉德州陷燕兵收其儲
蓄百餘萬勢益張遂攻濟南景隆復大敗南奔鉉與

庸等棄城守禦燕兵隄水灌城築長圍晝夜攻擊鉉以計焚其攻具間出兵奮擊又遣千人出城詐降燕王大喜軍中皆懼呼鉉伏壯士城上候王入下鐵板擊之別設伏斷橋旣而失約王未入城板驟下王驚走伏發橋倉卒不可斷王鞭馬馳去憤甚百計進攻凡三閱月卒固守不能下當是時平安統兵二十萬將復德州以絕燕餉道燕王懼解圍北歸燕王自起兵以來攻真定二日不下卽舍去獨以得濟南斷南北道卽畫疆守金陵不難圖故乘大破景隆之銳盡力以攻期於必拔而竟爲鉉等所挫帝聞大悅遣官

慰勞賜金幣封其三世鉉入謝賜宴凡所建白皆採納擢山東布政使尋進兵部尙書以盛庸代景隆爲平燕將軍命鉉參其軍務是年冬庸大敗燕王於東昌斬其大將張玉燕王奔還北平自燕兵犯順南北日尋干戈而王師克捷未有如東昌者自是燕兵南下由徐沛不敢復道山東北燕兵漸逼帝命遼東總兵官楊文將所部十萬與鉉合絕燕後文師至直沽爲燕將宋貴等所敗無一至濟南者四年四月燕軍南綴王師於小河鉉與諸將時有斬獲連戰至靈璧平安等師潰被禽旣而庸亦敗績燕兵渡江鉉屯淮

上兵亦潰燕王即皇帝位執之至反背坐廷中嫚罵令其一回顧終不可遂磔于市年三十七子福安戍河池父仲名年八十三毋薛竝安置海南宋參軍者逸其名燕兵攻濟南不克舍之南去參軍說鉉直搗北平鉉以卒困甚不果後不知所終明史本傳

余承蔭

明史忠義傳作應

守禦所千戶崇禎六年賊初寇鄧承

蔭督軍士戰於湍河我師敗績承蔭死之加贈正千

戶省祭姜文淵同時遇害尋加優卹

王之藩鄧州人仕鄖幕遊擊負性使酒家豪於財廣交遊急人患難有馬癖每市駿青齊鳴鞭九陌風生火

鄧州志

卷之十六

忠烈

十一

出以爲樂崇禎六年流寇渡河焚掠時之藩謝事家居賊突至里人皆避匿西山中之藩笑曰鼠子安足慮率家僮與鬪勢窮見執罵賊而死

李錫守禦所致仕千戶崇禎十年三月流賊張獻忠陷內城錫朝服北向拜曰臣世受國恩今耄矣不克手屠逆賊死願效厲鬼以滅之遂投井死

王鐘祥

明史忠義傳單名鍾

字興寰州庠生生平以豪俠自命不

屑與市井交每聽忠孝語輒不禁起舞崇禎十年二月聞張獻忠破外城鍾祥恐爲賊辱遂引刃自刺死賊見皆爲感嘆

丁

乙

明史忠義傳作一

統字秀水鄧庠生鈐之子慷慨負氣

事父母孝論文豪橫數奇不第恒縱酒叱咤談天下事以群盜造亂海內洶洶意建澄清之畧不得遂則憤懣成疾或獨居悲泣嗚嗚如有所語或笑罵無復倫次飲酒數斗不醉則飛屋走壁如平地行則佩兵刃曰吾以殺賊崇禎十年二月張獻忠陷外城中夜聞亂乙統着綠袍將巾持大鍛壁之賊過則斫之如是者殺三人血濺通衢家人欲令引避不從天漸明賊覺圍者益衆爭相撲執遂遇害至死罵不絕口

張五美字尊甫鄧庠生目光四射雄岸尚氣矜使酒罵

鄧州志

卷之十六

忠烈

三

座崇禎十年張賊陷外城友人王興寰義不屈賊引刃自刺且死矣五美往視之曰勇哉烈丈夫吾徒受朝廷養育臨難不當如是耶又數日賊陷內城執五美曰此富人也五美慷慨應之問生平何事曰讀書飲酒欲殺賊賊怒索金貨曰吾生平散金施予無儲蓄賊剔其目剗膝鑿齒以箔捲而焚之

海成鄧州人矜氣好勇李自成克鄧州隨本州同知任從仕奔鄖陽自成既去留偽牧徐卽達吳紹先等守鄧從仕收集殘潰志圖恢復於是命海成領兵倍道以入晨趨城下門初啟賊見兵至疾為守禦成不得

入乃率衆攻之中礮而死成弟寬引兵入穰東合明
光世丁如浣營相機待時會闖賊捲土南下圍寨日
陷寬不勝憤激大呼馳賊壘後軍不繼殺數十人以
死先是傅彥者亦聚衆守樓自成遣僞帥劉宗閔襲
之彥被執給賊卒曰樓潰矣有重寶願見主帥致之
卒乃引至宗閔所彥見宗閔則髮上指目眦皆裂曰
賊無故屠戮我人民殘毀我家室我欲得賊毋妻而
妻之死不恨耳賊乃支解彥并殺其卒

丁如浣字潁水居鄧西郊性剛多力善騎射痘面刻畫
修髯如戟身長七尺許少慕荆卿劇孟之爲人尤負

人倫藻鑑賓禮豪傑文章之士崇禎末群盜躡中原
如浣乃棄子衿卽明光世寨而營繕之署曰明家寨
召募死士屯田百餘頃賊來與戰率多敗去乙酉賊
渠南跳漫山遍野圍寨重匝如浣大戰二十餘晝夜
衆寡不敵遂遇害同事海寬舞槩相救殺數十人力
不支亦死賊用麻油灌其軀爲燭以泄其憤如浣死
前一日手削一桑版墨書其上曰丁如浣死所人乃
悟命寨之意云

王之

明史忠義傳作子

章鄧庠生敦厚不苟言笑動遵繩矩

望者嚴憚之居鄉非歲時祭祀不履城市乙酉春闈

賊南奔所在殘掠之章與妻張氏避禹山寨率眾守
禦寨中水盡賊圍益急遂陷之章出日相敵者我也
但先殺我無累眾人乃數賊而罵之至死色不變張
氏被執亦罵不絕口同遇害按明史忠義傳千戶余
承廕李錫諸生丁一統
張五美王鐘王子章海寬傳彥皆崇禎十四年李自
成陷鄧抗節死而志中先後特異致前志作於順治
間相去未遠且其事皆祥核可據
史書但舉大剛或未暇細攷也
唐廷俊字家修鄧州人幼業儒硜執自守教子孫讀書
力田乙酉李自成屠鄧廷俊携家避房家寨寇逼指
家屬次第自盡乃從容投深塹死